

## Morning Dogri (NSD) National News Bulletin 18-10-2024

### आकाशवाणी

- झारखंड च असेंबली चुनाएं दे पैहले गेड़ लेई अधिसूचना अज्ज जारी कीती जाग।
- भारती रेलवे नै टिकट दी अगेत्री बुकिंग दी अवधि 120एं दिनें थमां घटाइयै 60एं दिन करी दित्ती ऐ। एह बदलाव पैहली नवम्बर थमां लागू होग।
- केन्द्र सरकार दुश्मन दिएं संपत्तिएं दे निपटाने सरबंधी 2018 आले हुक्मै च संशोधन कीते न।
- खेड्ड मंत्री डॉ. मनसुख मांडविया होरें राश्ट्री खेड्ड प्रशासन विधेयक दे मसौदे पर चर्चा लेई सब्बने सरबंधत पक्ख नै बैठक लाई ऐ।
- 14 बरें शा घट्ट उमरी दे खडारिं दी 68मीं राश्ट्री तलवारबाजी प्रतियोगिता लेई असम दे तामुलपुर दे खेलो इंडिया तलवारबाजी केन्द्र दे 6 खडारिं दी ताल कीती गेई ऐ।



### Jharkand

झारखंड विधानसभा चुनां दे पैहले गेड़ लेई अधिसूचना अज्ज जारी होई जाग। इस गेड़ च 43 विधानसभा क्षेत्रें च वोट पाए जांगन। नामांकन इस म्हीने दी 25 तरीक तगर भरे जाई सकदे न। एहदी जांच 28 अक्टूबर तगर कीती जाग। मेदवार इस म्हीने दी 30 तरीक तगर जेकर चाहन तां अपने नां वापस परताई कसदे न। पैहले गेड़ च 13 नवम्बर ते दूए गेड़ च 20 नवम्बरगी वोट पाए जांगन। वोटें दी गिनतरी 23 नवम्बर गी कीती जाग।



### UP Bypoll

उत्तर प्रदेश च 9 विधानसभा सीटें दे उपचुनाएं लेई अधिसूचना अज्ज जारी होग। नामांकन 25 अक्टूबर तगर दाखल कीते जाई सकगंन। प्रदेश च 9 विधानसभा सीटें लेई उपचुनाएं करोआए जा करदे न।

इंदे च कटहरी, करहल, मीरापुर, कुंडरकी, फूलपुर, सीसामऊ, गाजियाबाद, मझावन ते खैर विधानसभा सीट शामिल न। इंदे चा 4 सीटां समाजवादी पार्टी, 3 सीटां बीजेपी ते इक-इक सीट निषाद पार्टी ते राश्ट्री लोकदल दे कोल हियां। सीसामऊ दे अलावा होर सीटां, विधायकें दे लोकसभा लेई चुने जाने दे बाद खाली होइयां न। सीसामऊ सीट समाजवादी पार्टी दे विधायक इरफानसोलंकी गी अयोग्य करार दित्ते जाने दे बाद खाली होई ही। तोआई मिल्कीपुर असैंबली सीट पर उपचुनां दा मामला इलाहाबाद हाई कोर्ट च बकाया पेदा ऐ।



## Maha MCC

महाराष्ट्र च औंदे विधानसभा चुनाएं दरान पेसे ते ताकत दा माड़ा इस्तेमाल रोकने लेई मुंबई च औंदन टैक्स मैहकमे नै 24 घेंटे चलने आले नियंत्रण कक्ष दी स्थापना कीती ऐ। एह कक्ष स्वतंत्र ते निरपक्ख चुनां, जकीनी बनाने लेई चुनावी खर्चे दी निगरानी करोग। एहदा मकसद चुनां प्रचार दरान नगदी ते कीमती समेयान दे बारे च जानकारी प्रदान करना ऐ। औंदन टैक्स मैहकमे नै एहदे लेई टोल-फ्री नंबर जारी कीता ऐ। लोक इस टोल-फ्री नंबर 1800-221-510 पर इस बारे च सूचना देई सकदे न। एहदे अलावा दऊं व्त्सऐप नंबर बी जारी कीते गे न। जेहडे इस चाल्ली नः- 8976176276 ते 8976176776



## Railway Reservation

सरकार नै रेल गड्डिएं च एडवांस रिजर्वेशन दी मजूदा समें-सीमा गी 120 दिनें कोला घटाइये 60 दिन करने दा फैसला कीता ऐ। रेल मंत्रालय नै जारी अपने नमें नियम च आखेआ ऐ जे नमीं बवस्था अगले म्हीने दी पैहली तरीक कोला लागू होग ते इस म्हीने दी 31 तरीक तोड़ी कीती गेदियां सारियां बुकिंगां बरकरार रौहडन। मंत्रालय नै अगगे आखेआ जे विदेशी सैलानिएं लेई 365 दिनें दी हद च कोई बदलाव नेई कीता गया ऐ।



## Enemy

केन्द्र सरकार ब'रे 2018 दे दुश्मन दिएं संपत्तिएं दे नबेड़े आले हुक्मै च संशोधन कीते न। गृह मंत्रालय नै इक अधिसूचना च आखेआ ऐ जे संपत्तिएं दे निपटारे लेई मूल्यांकन दी हद च संशोधन कीता गेआ ऐ। एह्दे तैहत ग्रामीण इलाके च इक करोड़ रपे शा घट्ट ते शैहरी इलाके च 5 करोड़ रपे शा घट्ट कीमत दी संपत्तिएं गी पैहले मजूदा बसनीकें गी खरीदने लेई पेश कीता जाग। संशोधन च ग्रामीण ते शैहरी इलाके दिएं परिभाषाएं गी बी स्पष्ट कीता गेआ ऐ।



## Israel

इजराइल दे प्रधानमंत्री बेंजमिन नेतान्हू होरें गलाया ऐ जे पिछले ब'रे अक्टूबर गी होए दे हमले दे मास्टर माइंड शा इक याहा सिनवार ते हमास प्रमुख दी मौत होई गई ऐ। पर गाजा उप्पर इजराइल दा युद्ध अजें खत्म नेई होआ ऐ। उआं हमास नै अजें तगर अपने प्रमुख दी मौत दी पुष्टी नेई कीती ऐ। इक अभियान दरान सिनवार सनें त्रऊं आतंकिएं गी मारी मकाया गेआ ऐ।



## India

भारत नै मारिशस गी पानी दी पाईपलाइन बदलने मतल्लक परियोजना लेई 482 करोड़ रपें शा मता दोहार दित्ता ऐ। एह् पैहला मौका ऐ जिसलै भारत मारिशस गी एह दोहार अपनी मुद्रा यानि रपे च देआ करदा ऐ। एह दोहार मारिशस च लगभग 100 किलोमीटर परानी पानी दी पाईपलाइन गी बदलने आस्तै दित्ता जा करदा ऐ। एह दोहार भारती स्ऐट बैंक आस्सेआ रियायती शर्ते पर दित्ता जाग।



## Veteran Actor

वरिष्ठ अभिनेता देबराज राय हुंदा काल होई गेआ। ओह 60एं ब'रें दे हे। राय होर बंगाली सिनेमा ते दूरदर्शन दे अलावा आकाशवाणी कन्नै बी जुड़े दे रेह।

उनें बरे 1970 च सत्यजीत रे दी फिल्म प्रतिद्वंद्वी कन्ने अपना फिल्मी सफर शुरू कीता। मृणाल सेन दी कलकता-71 उंदी इक होर मशहूर फिल्म ऐ। राय होरें तरुण मजूमदार विभुत्रि लाहा ते तपन सिन्हा जनेह केई मशहूर डरैक्टर कन्ने बी कम्म कीता।

<><><><><><>

## Sports

केन्द्रीय युवा मामले ते खेड्ड मंत्री डॉ. मनसुख मांडविया होरें कल भारतीय ओलंपिक संघ, राष्ट्रीय खेड्ड महासंघ ते राष्ट्रीय खेड्डें गी बढावा देने आले संगठन जनेह महत्वपूर्ण हित्तधारकें कन्ने बैठक लाइयै राष्ट्रीय खेड्ड प्रशासन विधेयक 2024 दे मसौदे दे सरबंघै च सुझाह मंगे। इक सोशल मीडिया पोस्ट च मंत्री होरें गलाया जे प्रधानमंत्री नरेन्द्र मोदी हुदे नेतृत्व आली केन्द्र सरकार खेड्डें गी अगगे बधाने, बुनियादी ढांचे गी मजबूत करने ते खडारिएं दी प्रतिभा ते कौशन गी होर मता विकसित करने लेई वचने बज्झी दी ऐ।

<><><><><><>

## Six Fencers

14ए बरे शा घट्ट उमरी दी 68 मीं राष्ट्री तलवारबाजी प्रतियोगिता लेई असम दे तामुलपुर दे खेलो इंडिया तलवारबाजी केन्द्र दे 6 खडारिएं गी चुनेआ गेआ ऐ। इंदे च स्वरांगमा बीरा, माधुरी दास, अखिल बोरो, धुबजीत बोरो, गौरव महता ते रंजीत बोरो शामिल न। एह प्रतियोगिता औंदी 12 शा 16 नवम्बर तगर जम्मू दे एम.ए.स्टेडियम च आयोजित होग।

<><><><><><>

## Weather

भारतीय मौसम विभाग नै तमिलनाडू, पुढुचेरी, कराइकल, उत्तरी कर्नाटक ते गुजरात दे किश हिस्सें च अगले 2-3 दिनें तगर बरखा दी पेशगोई कीती ऐ। मौसम विभाग मूजब कोंकण, गोवा, मध्य महाराष्ट्र, तमिलनाडू, तटीय आंध्रप्रदेश, यमन, संयलसीमा ते तेलंगाना च अगले 5 दिन हल्की थमां दरमेयानी दर्जे दी बरखा पौने दी मेद ऐ।

<><><><><><>